

10.07.2018g

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Banovići**  
**OPĆINSKI NAČELNIK**

Broj: 01-05-1182/18

Datum; 10.07. 2018. godine

Na osnovu člana 4. i člana 8. Pravilnikao kriterijima, postupku i načinu raspodjele sredstava iz budžeta općine Banovići za projekte nevladinih organizacija i vjerskih zajednica po javnom pozivu („Službeni glasnik općine Banovići“, broj: 2/14), Općinski načelnik raspisuje

## **J A V N I P O Z I V**

za predlaganje programa/projekata nevladinih organizacija i vjerskih zajednica sa područja općine Banovići

### **I**

Raspisuje se Javni poziv za predlaganje programa/projekata nevladinih organizacija i vjerskih zajednica u skladu sa Pravilnikom o kriterijima, postupku i načinu raspodjele sredstava iz Budžeta općine Banovići za projekte nevladinih organizacija i vjerskih zajednica po javnom pozivu.

### **II**

Finansiranje nevladinih organizacija i vjerskih zajednica ovim Javnim pozivom vršit će se sa budžeta općine Banovići, pozicija “Finansiranje ostalih udruženja i zajednica“ u iznosu od 24.000,00 KM.

### **III**

Sredstva planirana u Budžetu općine Banovići za 2018. godinu za ove namjene, raspodjeljuju se nevladinim organizacijama i vjerskim zajednicama čiji se programi/projekti odnose na sljedeće oblasti:

- socijalna sigurnost i zdravstvena zaštita,
- obrazovanje i unapređenje položaja mladih,
- sport,
- kultura,
- ekologija,
- izgradnja i razvoj lokalne zajednice i
- obilježavanje događaja i datuma sa područja općine Banovići.

Programi/projekti koji se ne mogu finansirati iz ovih budžetskih sredstava su:

- projekti koje predlože nevladine organizacije i vjerske zajednice koje nisu registrovane u BiH i koja ne vode državljani BiH,
- projekti kojima se podrazumijeva finansiranje plaća i drugih ličnih koristi članova nevladinih organizacija i vjerskih zajednica osim stručnog angažovanja njihovih članova,
- projekti/programi koji se neće realizovati na području općine Banovići i koji nisu namijenjeni građanima općine Banovići,
- projekti koji se ne odnose na oblasti navedene u članu 2. ovog Pravilnika,
- projekti koji imaju isključivo komercijalni karakter i koji provode bilo koje aktivnosti političkih partija,
- projekti/programi nevladinih organizacija i vjerskih zajednica po kojima su već ostvarena sredstva za finansiranje iz drugih izvora.

#### IV

Uz popunjen prijavni obrazac kao prijavu na Javni poziv, nevladine organizacije i vjerske zajednice dužne su priložiti sljedeću dokumentaciju:

1. Jedinствен prijavni obrazac,
2. Prijedlog projektne aktivnosti sa:
  - pregledom budžeta projekta i narativnim dijelom i planom potrošnje finansijskih sredstava,
  - planom aktivnosti realizacije projekta.
3. Rješenje o registraciji za aplikanta i za partnere ukoliko postoje,
4. Identifikacioni broj,
5. Fotokopija lične karte lica ovlaštenog za zastupanje,
6. Opisni izvještaj o realizovanim projektima u predhodnoj godini za ranije osnovane nevladine organizacije i vjerske zajednice odnosno Program rada za novoformirane nevladine organizacije i vjerske zajednice,
7. Završni godišnji finansijski izvještaj za prošlu godinu (bilans stanja i uspjeha) i izvještaj o radu usvojeni od strane Skupštine nevladine organizacije i/ili nadležnog tijela vjerske zajednice,
8. Podaci o osobama koje realizuju projekat (kraća biografija),
9. Izvještaj sa računima, ugovorima i drugim dokazima o utrošenim sredstvima iz prethodnog javnog poziva ukoliko su im ista dodijeljena iz budžeta općine Banovići ili potvrdu organa o opravdanim sredstvima.  
Dokumentaciju dostaviti u originalu ili kopiji.

#### V

Nevladine organizacije i vjerske zajednice mogu u toku budžetske godine maksimalno kandidovati dva projekta.

## VI

Ocjenjivanje i izbor programskih/projektnih aktivnosti vrši Komisija formirana od strane Općinskog načelnika.

Prilikom vrednovanja Komisija će u skladu sa Pravilnikom o načinu vrednovanja prijedloga programskih/projektnih aktivnosti nevladinih organizacija i vjerskih zajednica izvršiti vrednovanje svih pristiglih projektnih prijedloga koji ispunjavaju uslove ovog javnog poziva. Prioritet u finansiranju projekata/programa po ovom javnom pozivu će imati nevladine organizacije i vjerske zajednice sa većim brojem ostvarenih bodova.

## VII

Dokumentacija za prijavu na Javni poziv se može preuzeti od **11.07.2018.** godine u prostorijama Centra za pružanje usluga građanima( Šalter sali općine Banovići) kao i na Web stranici općine Banovići.

Javni poziv ostaje otvoren 15 dana od dana objavljivanja na Oglasnoj ploči općine Banovići. Prijave na javni poziv sa potrebnom dokumentacijom u zapečaćenoj koverti sa obaveznom naznakom („Ne otvaraj prije zvaničnog otvaranja“), slati preporučeno putem pošte na adresu: Ulica Alije Dostovića broj 1. 75 290 Banovići ili lično u prostorijama Centra za pružanje usluga građanima(Šalter sali općine Banovići).

Programski/projektni prijedlozi koji ne budu dostavljeni u propisanoj formi, koji ne budu kompletni i blagovremeni neće biti razmatrani od Komisije za odabir projektnih prijedloga.

